

紹興縣志資料第一輯

第九册

第九冊（重訂分冊）

紹興縣志資料第一輯

杭州古籍書店複印

安昌志目錄

安昌志序 張世慶

安昌記 高驥雲

答張世慶 春農書 高驥雲

答高驥雲 逸帆書 張世慶

安昌古蹟

安昌人物

安昌進士

安昌舉人

安昌副貢

安昌拔貢

安昌優貢

高驥雲安昌志原稿不可覓韓啓鴻搜求頗久僅得序記書啓四首其古蹟人物則啓鴻

所足成也 啓鴻字小鳳先世業農居齊澤後遷安昌祖輝嗣父湖字秋鳳會稽增生有暇

香廬詩鈔啓鴻會稽附生畢業浙江自治研究所任安昌鎮議事會議長紹興

縣師範講習所教員安昌  
學務委員現年七十歲

安昌志序

張世慶 春農

夫尚書載堯典不記荒逸之詞春秋始於隱公存其刪訂之實故書成越絕祇縷述其舊聞賦  
著會稽不僅資夫博探凡古今之作者具同異於見聞安昌者山陰西北之偏隅也瀕海而  
居代奉魚鹽之賦彈丸所託夙傳弦誦之風軼騶同年博雅君子也桑梓敬恭文獻所證昭忠  
信於十室備輜軒於四方芥子須彌卽小以見大魯魚亥豕訂僞而闕疑卽抱殘守缺之餘寓  
微顯闡幽之義一樽嘗鼎供饜飫於無窮萬卷文楹悉搜羅於俄頃後之踵事增華者其以是  
爲嚆矢也乎是爲序

此序乃徐午莊之  
伯侶珊所錄存

安昌記

高讓雲 逸帆

古有安昌國隸汝南郡漢張禹侯國也又有昌安縣隸高密國後漢鄧禹次子嗣侯國也山陰  
爲越郡附郭縣其北有昌安門又北三十里有安昌鄉西北五十里有安昌市因門而名者門  
以內有昌安坊昌安橋門以外有昌安塘昌安舖因鄉而名者有安昌堰又有兩安昌寺一在  
昌安門內戴山南麓一在安昌市之東偏凡邑中名昌安者五名安昌者五而安昌紀載尤難  
不可無辨吳越備史載乾寧三年錢鏐攻昌安門是昌安之名始見於晚唐而宋人述之者也  
寶慶會稽續志載城北曰三江門康熙俞守郡志載昌安門卽三江門是唐名昌安宋改三江

今復名昌安也元置昌安坊見兪志明洪武置昌安塘舖見萬歷郡志此昌安名跡可攷者也

宋置安昌鄉見兪志予嘗過羊山石佛寺見萬歷吳顯忠鑄壁云大唐中和間武肅王鏐以八

都兵屯羊石寨平劉漢宏及獲董昌因名其鄉為安昌是安昌鄉之名亦自晚唐始晚唐以前

見著錄者其蕺山之安昌寺乎元宗時博州孫逖寓越有立秋日題安昌寺北山亭詩據全唐詩所載

詩題如此今省府縣志並漏山字安昌即戒珠寺本名唐大中六年始改戒珠見寶慶志吾家菊礪公翥題戒

珠寺有安昌寺裏晚遊時之句亦一證也戒珠寺本名安昌寺省志寺觀府志祠祀所載並同

祀縣志藝文及全唐詩所載並同菊礪公詩內安昌寺省志寺觀府志祠祀並同惟省志藝文

重載此詩及縣志藝文並作昌安寺此寺本王右軍捨宅其名安昌之始縣志無考予按天台志載定光禪師錫杖尙留在昌安即會稽隆安院也見神區高僧傳云今省府縣志戒珠下

並載定光事而會稽無隆安院似昌安之先又名隆安其或書昌安或書安昌傳嗣互異當再

定之安昌市之安昌寺初本名安昌院見浙江通志又名安康院見嘉泰會稽志今為安康

教寺見郡志邑志其創建在後唐長興元年各志並同寺中碑碣亦云然然則盛唐時安昌市

尚無寺院孫逖詩當屬戒珠又一證也郡志安康寺條下誤收此詩遂有里人取詩中天路雲

虹語額諸寺門以為古蹟甚矣志乘載筆不可不慎也至安昌市之與安昌鄉更有當辨者山

陰北境濱海四十餘里十餘里因山為固餘三十里皆海塘塘以南為鄉者二東安昌鄉西清

風鄉其南環以江蓋西小江下流東趨三江口之故道也兪志載宋安昌鄉領里二齊賢陸雲

即今下方橋向東林元改爲四十四五兩都宋清風鄉即唐移化鄉即今移領里二清化即今

洛思李式膺云今大義村有元改爲四十六七兩都今安昌市乃在清風鄉適中之地邑舊志

載安康教寺在縣西北清風鄉地名安昌是也初但有村落郡邑志並引開務全書稱安昌村

是也鄉大而村小鄉東而村西萬歷郡志載安昌市在府城西北三十里攷府城西北爲安昌

市方位三十里則安昌鄉路程意當時市名初立鄉乃久著疑市在鄉故誤耳邑舊志載西北

五十里有安昌市較郡志爲核而新志斜墓卷有渾書安昌者不辨爲鄉爲市有書安昌鎮者

稱名失當更非載筆之體予聞之故老舊時白洋城巡司移駐安昌甚久乾隆年間再移柯橋

爲柯橋司俗亦稱柯鎮司知安昌稱鎮之誤必自有官始兩浙壇廟古蹟有防護錄藩司歲報

禮工二部嘗見其書載陸孝子祠一在丈午村陸郎村一在四十六都一圖安康邑志亦引之

攷四十六都一圖正安昌地今祠宇已非而旌孝坊屹然尙在安康之名或因寺而譌後此修

志校而正之可矣凡志載鄉隅故蹟必其山川爲邑形勝人物爲邑冠冕不待方志表見而後

方志必詳安昌北枕白洋山左塗山右白馬面臨江北河支港四達徒以潮汐出沒龜同陸

無世家右族高人畸士之遺蹟即求其成聚之始而殘編斷碣混焉無紀邑新志載有前明鄭

斗南者由浦江遷安昌謀諸衆捐地爲街捐蕩爲河於宏治二年開市以其時攷之成化守戴

公營築麻溪壩截浦江上流又建扁拖諸閘捍潮瀕海鹵斥漸成樂土則市之開於宏治固宜  
嘉靖守湯公建應宿大閘於三江口爲越中溥利萬歷守蕭公復以安昌等村窪下添建山西  
州濟之其明年郡志成安昌市遂著於錄然則一市之肇興視乎全邑之水利全邑之水利又  
視乎閩郡之建置蓋雖荒僻一隅而古賢守惠民寔政不猶可覽其全而感懷明德之遠哉雖  
然經制之善存乎有司民物之饒則因乎時地古稱龜赭爲海門今南塘迤北漲沙數十百里  
二山之間久成平陸卽安昌北境白洋山外木棉之利歲登數十萬而此數十萬木棉又必於  
市易粟與一切居處日用之資則市之懋遷有無又不啻數十萬後或江勢南趨滄桑復變通  
關帶閩安知不仍返村墟之陋況今海氛未戢舟山陸沈居是里者宜如何綢繆未雨聯守望  
之固密中外之防使奸販潛踪覬覦不作則洵乎安昌之爲安土耳其予家市居垂二百年先人  
有言此地古名長樂村而志不載并書以存懷葛之始庚子八月稟

答張春農書

高驥雲

賜跋光寵至極近日清閒無事重理舊稿於鄉市分辨之處又得後解匪敢自是也質疑問難  
正乃請益之前所呈是草稿今特謄清并祈加墨點勘使就繩削雲又有奉告者尊號謂宋  
以前二鄉合一鄉明復合一此說似無所攷邑舊志安康寺在縣西清風鄉地名安昌云云按

其文義似不主分合言所謂舊志不過上次所修縣志耳溯查縣志自明中葉草創康熙以來遞有修補安康寺坐落不知何時纂入即使最早亦不過明季人諸未可跨元軼宋而遙證宋以前事也尊跋或以邑舊志爲吾邑列朝傳本致涉疑似以拙稿邊幅太拘特推擴以廣其意耶安昌向無記載不揣固陋妄欲有所徵信故曉曉於長者之前思得品題以告桑梓再見前示有修安昌志之舉雲所言祇詳地方未及人物先生爲吾鄉耆舊倘以著述餘間作人物考爲之提以使雲得續尾之附一時閒興庶幾有託而傳乎文章公器不論世情辨雖不恭欲伸私見不得不和盤托出以便匠政耳

書謂縣志自明中葉草創按青籐道人佚書張太僕天復墓志詔云世爲山陰人華亭公出行學得公製大奇之置第一名峻起弟子從遊者滿門縣長吏委以志事山陰之有志自公始又云公生正德癸酉卒萬歷甲戌則縣志規自明代中葉殊爲信而可徵丙子小雪啓鴻

識

答高逸帆書

張世慶

讀安昌考後解二條以所跋安昌清風二鄉分合爲無考誠屬臆說今更有臆說焉尊作云東安昌鄉西清風鄉俞志載宋安昌鄉領里二齊賢東林元改爲四十四五兩都宋清風鄉卽唐

移化鄉領里二清化洛思元改爲四十六七兩都鄙意以安昌鄉或卽以安昌院得名而齊賢東林未詳其處若今安昌以西現有東林寺或卽以是得名且四十四五兩都亦當在安昌以西則東有安昌何以稱焉宋清風鄉卽唐移化鄉或卽今之移風領里二爲清化洛思則現今社廟祝神疏文尙云清風鄉清化里安昌鎮居住其爲清風鄉領清化里之明證而復云安昌鎮者當是總括爲安昌鎮耳蓋社廟爲春秋報賽之區疏文雖俗僧爲之亦必有所受也至洛思峯在航塢山爲安昌之最西而四十六七兩都亦屬近西之地若欲定其安昌清風兩處卽以現今之四十四五兩都爲安昌鄉四十六七兩都爲清風鄉但未知今之都圖是否卽元之都圖耳倘都圖無從查核亦卽以故老所傳洞橋以東爲東市洞橋以西爲西市東爲安昌鄉西爲清風鄉亦屬較爲直捷至稱鄉稱村稱鎮俱隨時而稱之自鄭斗南開市以來則當合兩鄉而稱市卽文告亦爲安昌市矣以題爲安昌考故須側重安昌平提側落亦文法然也至擒董昌故事雖在安昌院以後但既有吳顯忠壁記頗可引以爲證古之一地而二名與異地而同名者亦有之無須以安昌院在先而黜壁記也至郭崇韜事蹟補記中考核甚明但捨宅之說誠有如補記所云諸孫避難入越追奉其祖亦未可知或其族人本在越未至代州因崇韜貴顯而託之亦未可知卽安康寺係僧普安建而郭姓爲檀越護法亦可也倘撰是志未免枯

稍稍綉染如盧橘見於上林赤壁假於黃州亦文章設色之法耳

鄙作跋語及往返問答之篇史局諸公互相辯難並有載入文集中者亦討論之道也來書過於謙抑耳并及之

### 安昌古蹟

清墩橋 評邑乘

遺風百漉

非遺風有百漉其漉有百家耳俗謠以百漉遺風念佛橋對十里湖塘七尺廟廟工

陸孝子碑亭

尙在安昌村人稱孝子村碑亭在自安昌至白洋之馬路旁亭有聯云

徐煥峯住宅

孫村中甫云即清光緒中之知取書塾今之第一學校

高軼颺住宅

或云即今西橫湖之七頭舊稱方裏頭是也

蔣鏡涵住宅

即三徑草堂手植老桂尙存周寄凡先生題蔣鏡涵先生肖像詩曰白髮侯芭雪滿顛淵源兩世湖彰年草堂舊築三三徑菊社新開九九天蓋周寄凡先生受業

於張杏史先生張杏史先生受業於蔣鏡涵先生也

鄭斗南墓

在徐家灘底徐氏之帶湖樓側

楊璘墓

在安康寺側

國子監祭酒周文燭墓

在安康寺側

翼龍菴 詳邑乘

菱

法源齋

在城隍殿水閣外位西辰山下本白洋朱氏之園精舍為王文成講學處後舍為菴  
文成手書寂照殿六兩額尙縣客座菴外園內產菱相傳得辰山源頭活水故其味較

勝每屆清秋菴刹藝品茗  
頗多遊侶略見晚香廬清話

菱

證心菴

在滕家瀆底院宇軒敞而建築時期最後光緒中蓮根上人雲遊卓錫於菴與南麓費  
翁談禪甚洽遠師去後往返無非俗僧然以住持僧善居積願以資雄鳴一時惜變遷

無常今亦  
衰落矣

安康古剎

五季郭崇韜後人舍宅為寺初名安昌院郭氏居郭家瀆樓有  
郭公橋寺之住持僧每歲首輒至郭氏拜崇韜靈座迄今猶然

西房

東社廟

西社廟

洞橋神武閣

城隍殿

其他如顧家池頭之某庵彭家橋之彭家庵湖村之萃聖庵羅家岸頭之羅家庵及孔家庵  
施家庵如意庵之類團瓢蘭若棋布星羅少位置之宜無焚修之寔皆碌碌不足掛齒矣

安昌人物

周定夫 明亡殉節詳邑乘

鄭斗南 明季盛陵鄭家瀨人宏治二年開安昌市有傳

楊慶恩 道光壬寅官典史殉難

余學松 字聚賢生康熙五十八年卒嘉慶九年九月十一歲平家讓余家台門有九十餘歲為耆資余學松龐孺人立

徐煥峯 同治元年壬戌死難有傳

許思涓 字霞村著秋水軒尺牘

姚潤 字雨菴邑庠生為幕賓輯大清律例

陳樹棠 字又亭廩貢官金華訓導

楊希秉 字顯齋邑庠生書學顏魯公頗負時名同治甲子客乃兄鏡峯福建漳州府幕殉難

楊希曾 字鏡峯希秉之兄同治三年甲子幕遊福建漳州府殉難

楊麗金 字式卿希曾之女同治甲子隨侍福建漳州府幕殉節死極慘烈

金五姑 正之公季女咸豐十一年辛酉九月二十八日遇寇身撲園池殉節

婁浩 字景賢號嘯巖國學生官福州府知府咸豐三年三月邵武府城陷死之時署知府事也

徐春沅 字芝香咸豐五年仰承其父省安公道志相常稔之田三百九十畝建義倉

徐春棟 字雲巖為芝香胞兄與弟同志亦捐田一百八畝其田四百九十八畝一作五百一畝詳見咸豐六年徐氏義倉記略

周寄凡題聯云誰非一淚周親給粟分財既盡吾老老幼幼此是千秋義舉推恩廣德所望於繼繼繩繩妻蕪研題聯云倉與家廟相依疏不踰親購卹先從宗族起學為後人而設

猶兼教栽培須賴父兄賢陸善泉題聯云景前賢而粗斯倉歷劫猶存一洪楊劫後倉屋獨完一不負義人成義舉承先志以錫爾類沛恩無盡每過仁里仰仁風

許 字夢花山邑庠生著夢巢詩鈔

姚熊 字杏樵山邑庠生以隸書得名

馮世章 字棗白以篆刻著名有小傳

### 安昌進士

李廷楷 字式膺道光庚子舉人乙巳進士歷仕江西安遠貴溪宜黃等縣知縣

(說明一) 寒家五版橋老屋前業主王精玉先生傳係清初進士榜下知縣然年代湮遠榜名科分不得而詳矣

(說明二) 凡進士舉人均根據於紹興縣館紀略 即前清山會邑館 五貢則根據於本人試卷然掛漏之多寔所難免

### 安昌舉人

楊璘 明憲宗文啓四年甲子科

楊際昌 字魯蕃 乾隆辛酉科 著蘭室叢談等書

高鳳臺 嘉慶丁卯科 爲潘石舟先生門下士

蔣恒煜 字鏡涵 嘉慶三年戊午科

張世光 字杏史 道光辛巳恩科 著四聲千字文 爲蔣鏡涵先生門下弟子 里人稱張十先生

婁培 嘉慶己卯科 官訓導 婁氏明正德中自江西上饒遷安昌 始祖名誠信

高驥雲 字逸驥 道光辛巳恩科 歷署直隸密雲良鄉保定等縣 知縣 薊州後署房山縣 知縣 著述頗多

顧丙輝 字葵園 道光戊子科

顧言 更名友仁 順天道光甲午科 仕江西 鄂都縣 知縣 咸豐六年 洪楊兵至 城陷 殉難

潘恭祺 榜名世英 字觀山 道光甲午科 張杏史先生門下士 詩采菴衍桐雨浙翰軒續錄

馬良駿 號叔良 同治庚午科 馬氏明季山西郭門外塞下村 遷居安昌

婁奎垣 後改金垣 字秉衡 順天同治庚午科 爲婁滑長子 襲雲騎尉 官刑部 額外主事 以終

壽慶慈 光緒丙子科

馬星聯 光緒乙亥恩科

顧慶章 光緒己卯科

徐澍成 光緒壬午科

楊福璋 號霞生光緒壬午科 楊氏安昌一世祖名演字毅軒  
福璋高祖際昌為乾隆辛酉也魁父大曾字鏡驥字遊幕

朱廣亮 光緒戊子科

張煦 光緒己丑恩科 張景周字錦畫為張煦之祖翁由紹城移居安昌

顧慶敘 光緒甲午科

戎念功 光緒癸巳恩科

徐學楨 光緒丁酉科

### 安昌副貢

方觀旭 嘉慶戊辰恩科

婁咸 道光戊子科

馬良駢 字宵梅同治乙丑科為馬星聯之父

徐繼佩 光緒辛卯科

### 安昌拔貢

潘汝燭 字石舟乾隆己酉科少知縣陞廣西上思州知州

張世慶 字春農嘉慶癸酉科爲張世光胞兄里人稱張九先生晚年遷居滄風以終

安昌優貢

周晉鏢

字奇凡

一作以明經官常山訓導著有小寄廬詩